

Qaasuitsup kommuniata angivallaarnerata malitsigisaanik innuttaasunik sullissinerup pitsaavallaarunaarsimanera pillugu aaqqiissutaasinnaasunik ujartuinissaq innuttaasullu oqartussaaqataanerisa nukittorsarnissaat siunertaralugu oqallinnissamik siunnersuut.
(Inatsisartunut ilaasortaq Jens Immanuelson, Siumut)

Akissuteqaat

(Aningaasaqarnermut Nunamullu Namminermt Naalakkersuisoq)

Naalakkersuisut isumaqatigiissutaani atuarneqarsinnaasutut nalilersuiffigineqartussaavoq, ilumut kommunerujussuarnik pilersitsineq kommuninik kattussuussinermi siunertarineqartumut naapertuuttumik kinguneqarsimanersoq. Nalilersuinermi misissorneqartussanut ilaavoq ilumut kommunerujussuit angissutsimikkut naapertuuttumik aaqqiivigineqarsimanersut, matumani suut tamaasa nalilersornerini ilanngunneqassallutik ilumut innuttaasut pitsaanagerusumik kiffartuuneqarnissaanik oqartussaaqataanissaanullu isuma naapertuuttuunersoq. Misissuititsinissaq KANUKOKA kommunillu suleqatigalugit isumagineqassaaq, Indenrigsministeriaqarfik peqatigalugu. Misissuineq allaffissornikkut aallartisarneqareerpoq.

Tamanna aallaavigalugu Inatsisartut ataatsimiinneranni matumani oqaluuserisassani immikkoortoq UKA 2013/104 ilanngunneqarpoq, oqaluuserisasaq taaguuteqartoq Kommunit aqunneqarnerat pillugu Inatsisartut inatsisissaanut allannguutissatut siunnersuut. Siunnersuut kommunit kissaateqarnerat naapertorlugu oqaluuserisassanngortinneqarpoq. Taamatut siunnersuuteqarnermut ilaatigut siunertarineqarpoq, kommunalbestyrelsit kommunitoqaasimasuni tassani innuttaasut najukkani ataatsimiititalianik pilersitsinikkut suleqatigiinnissamat aallaaviusussamik pilersitsisoqarsinnaanissaa. Tassuuna najukkani soqutigisaqartut assigiinngitsut kommunini sulinerne suleqataanerulernissamat periarfissinneqarnissaat siunertarineqarpoq. Taamaattumik Naalakkersuisuni isumaqarpugut, tamanna najukkani innuttaasut oqartussaaqataanerulernerannik malitseqartitsiumaartoq.

Soorlu Naalakkersuisunit oqaatsigigipput, suliniuteqarneq aallartisarneqareerpoq, taamaattumillu qilanaaralutigu tunngavilersuutit matumani oqallinnermi saqqummiunneqarumaartut tusarnaarsinnaanissaat.

Taamatut Naalakkersuisut sinnerlugit oqaaseqarlunga, Inatsisartut oqallilluarnissaanik kissaappakka.